



Þingeyjarsveit
Skipulags- og byggingarfulltrúi
Kjarna
650 Laugar



UMHVERFISSTOFNUN

Reykjavík 8. ágúst 2016
UST201606-219/K.S.J.
10.04.02

Efni: Lýsing. Tillaga að breytingu á aðalskipulagi Þingeyjarsveitar 2010 – 2022 á virkjunarsvæði í Fnjóskadal. Lýsing. Tillaga að deiliskipulagi virkjunarsvæðis í Fnjóskadal.

Vísað er til erindis skipulags- og byggingarfulltrúa Þingeyjarsveitar er barst 28. júní sl. þar sem óskað er umsagnar Umhverfisstofnunar um sameiginlega skipulags- og matslýsingu fyrir tillögu að breytingu á aðalskipulagi Þingeyjarsveitar 2010 – 2022 á virkjunarsvæði í Fnjóskadal og lýsingu tillögu að deiliskipulagi virkjunarsvæðis í Fnjóskadal.

Skipulagssvæðið

Í lýsingu kemur fram að ofangreindar tillögur gera ráð fyrir virkjunarsvæði í sveitarfélaginu Þingeyjarsveit nánar tiltekið í austurhlíðum Fnjóskadals. Í Fnjóskadal er áætlað að reisa 5 – 5,5 MW virkjun í Hólsá og Gönguskarðsá í landi Ytra-Hóls, Syðra Hóls og Garðs. Skv. lýsingu mun breytingartillagan hafa í för með sér að allt að 40 ha svæði verði breytt úr landbúnaðarlandi í iðnaðarsvæði.

Staðhættir

Í greinargerð kemur fram að Hólsá og Gönguskarðsá sem báðar renna í Árbugsá verða virkjaðar sunnan og ofan Garðfells. Þar er áformað að byggja tvær stíflur og leiða vatnið í þrýstipípu yfir háls sunnan Garðafells að stöðvarhúsi sem er áætlað nærri bökkum Fnjóskár. Áætlað er að affallið renni beint í Fnjóská.

Umhverfisáhrif

Umhverfisstofnun tekur undir að fjallað skal um umhverfisáhrif nýrrar landnotkunar í áætluðum skipulagstillögum og að haft verði í huga jarðrask vegna framkvæmda og mannvirkja auk mögulegra áhrifa af breyttu (minnkuðu) rennsli í Árbugsá. Umhverfisstofnun tekur einnig undir áætlanir um umfjöllun um þá umhverfisþætti sem taldir eru upp í lýsingu. Einnig telur stofnunin mikilvægt að fjallað verði um lón það er myndast mun við stíflurnar, umfang þess, stærð og umhverfisáhrif.

Náttúra og útivist

Að mati Umhverfisstofnunar er um svæði að ræða þar sem mikil útivist er stunduð s.s veiðar o.þ.h. Stofnunin tekur því undir mikilvægi þess að að fram komi í tillögu að breyttu aðalskipulagi og deiliskipulagstillögu hver áhrif breyttrar landnotkunar hefur á útivist á svæðinu. Einnig er mikilvægt að athugað sé hvort og þá hvernig breytingin á rennsli vatns úr Hólsá og Gönguskarðsá hafi áhrif á umhverfið og Fnjóská. Einnig er mikilvægt að meta áhrif þess að staðsetja stöðvarhús nærri Fnjóská á útivistar- og náttúruverndargildi svæðisins og hver sjónrænu áhrifin koma til með að verða.

Að mati Umhverfisstofnunar er mikilvægt að iðnaðarsvæði verði afmarkað eins þröngt og kostur er.

Að öðru leyti telur Umhverfisstofnun að í ofangreindri lýsingu sé gerð grein fyrir þeim þáttum sem þörf er á og í því umfangi sem væntanlegar tillögur gefa tilefni til.

Virðingarfyllst

Kristín S. Jónsdóttir

Kristín S Jónsdóttir
Sérfræðingur

Hildur Vesteinsdóttir

Hildur Vesteinsdóttir
Teymisstjóri